

理前部國字號



啞然詩句多不成話却又好笑以其不成話便當覆讀因其有好笑擱在  
口舍不得遺踢他了口口成堆公跌口口無下土口口口口口口口口笑不足  
道(下闕)

啞然詩句 卷古榕雜綴 卷

共 2 册 存 2 册 排架号 08500



啞然詩句

小豆棚

口葉飛來怕打頭閉門家裏一書囚口口學會安排法秃管消磨豆口口

送春

風風雨雨一春違無雨無風春亦歸總是春歸留不住那關風雨送芳菲

睡餘

口口騰騰一覺眠醒來已是五更天披衣猶記夢中事細雨斜風下水船

七如道士曾衍東



甌海公報社印行



讀律

北斗橫空南斗入夜靜樓頭學讀律讀書讀律一般般讀到五更天漆黑

黃鶴樓

樓高多少步樓梯直上高頭遠水低畫鶴鶴飛都不見大江東去夕陽西

理學

不學周公孔聖人自家弄的甚精神只知有我不成事試問何從來此身

其二

年去年來來去年年年來去苦歪纏先生何苦歪纏甚誤了青陽多少天

閉戶

喜鵲簷前樹頂鴉清晨每個叫喳喳閉門那管掀天事獨坐空齋吃苦茶

自打坐

深山有個老頭陀石上跏趺做甚麼擔擱睡來担擱夢大張開口欠呵呼

拈花釋迦

佛容喜氣到眉尖妙手將花一朶拈祇會微微溫霽相春氣滿畫證華嚴

憶家

餅滿鑊酒味堪躺來上炕得身安自從一頂烏紗帽壓倒強梁賴酸



懷李山崖

雨窗滴滴又丁丁送別何時遠水亭料得君歸秋已晚黃花零落酒初醒

其二

一個輕舟江水平帆檣如豆不分明雨絲麻亂柳絲蕩不縮離人祇縮情

贈孫道士

鍊甚丹來鍊甚丹丹爐踢倒燄光寒孫猴偷了金丹去氣煞燒丹李老官

空人

破瓦窰中呂相公做了參政口便豈是當真懶不見吐理撐船走得通

買書

不惜黃金要買書買書還飽蠹書魚何如東郭單寒士獨向書坊去借居

種荷

不種魚苗種藕枝團團荷葉出清池蓮花落後秋容老喜見房房養個兒

下鄉

縹緲榔竿橋大尋四圍雪亮玉壺冰村姑不識玻璃畫纖手摸來隔一層

閒情

愛山何必住深山會得山人一味閒若使山人閒不住柴門終日不能關



結茆

枯草黃茆結個廬不營窗戶不階除存身未必無風雨危坐其中讀道書

放舟

淡抹青山斷復連小湖鋪鏡柳含煙夕陽西下忘歸掉不負晴明這一天

雨景

黑雲如幕雨如簾洗淨齊頭六月炎殘快斷琴都是寶數聲清磬落空槽

教子

人人教子要讀書讀書且問你何如你若讀書總教子讀書教子如你初

敬惜字

惜字當從敬字生敬心不篤惜難成可知因敬方成惜豈是尋常愛惜情

醉中

無事閑中甌一甌一甌醉話無休人人懶聽醉翁話何必分明聽到頭  
笑雲

山居

山中閑對白雲狂那曉狂雲更是忙欲有雨時先出去一輪月上又收場  
卜得蟬居不染塵山爲朋友水成隣偶然來個畫眉鳥叫破桃花難問津



做詩

做詩從來把詩敲日日齋中信口嘲嘲到興來忽風雨滿窗書卷閉茆包  
返躬

不做神他不坐禪自家有個大羅天隨時輪轉空無法獨向心頭打一拳

象局

當頭炮打助車分馬扣鴛鴦卒似雲頃刻渡河殘局散只留一士保將軍

觀劇

看本又翻新弄俏粧高莫認真一霎戲完鑼鼓歇更無一個上場人

樓居

居士如何好住樓樓中虱子不能留更教四面開窗戶處處風來放量收

居官

門子何人敢上堂吏書不許出科房本官鎮日巍巍坐更少差人下四鄉

其二

法立如山法始尊令行如水令無繁雖非鐵面包丞相祇要堂前無覆盆

小園

滿園野草碧於油黃土墻邊安石頭斜靠一片簾箕柳搖搖最風流



登山

無階可即莫徒勞欲上青天把首搔到了這山不歇脚這山看着那山高

學究

讀書何必太明通本分為人冬便烘三字經同百家姓荒村叫破老喉

力田

農夫墾墾妄無求挑糞肥田草飼牛不論豐年與荒歲十年高下一般收

存心

兒孫難保讀書人多少黃金不濟貧存個好心行好事自家快活自家身

戒門

閒是閒非莫要嘆一團和氣待鄉隣驚傳王二參頭狼昨夜前村打煞人

飲橋

有錢稅戶解囊毆打算秋淋病涉紛幾處洛陽橋搭就何須下海去投文

防賊

勸君施捨使囉哆苦積銀錢做甚麼落日關門長夜坐一聲狗叫一聲雞

自問

捫心只在五更初嗚嗚雞鳴路往苦怕前頭不是路張家果老倒騎驢



撫兒

夜裏兒尿撒一床娘親宛在水中央卻無半點嫌原意粘體還口噴鼻香

憐兒讀

小兒不打不成人又怕先生太認真今日讀書書熟否替他墊記是娘親

媳婦

我為媳婦敬婆婆莫道婆婆絮語多你不敬婆誰敬你他年去路一成河

自任

一人作事一人當漫扯旁人自跳牆但聽門前花轎到誰家嫂嫂替姑娘

乞兒

蕭捲衣衫草絆鞦韆聲如墜走長街一瓢盛得千家飯飽睡空山古廟階

射鹿

西風快馬下圍場逐鹿飛奔過遠崗裂帛一聲弓勁折宛然回轉軟心腸

吃虧

吃得些虧總不妨占他便易卻多傷老天有個算盤子常在空中細打量

黃河

不到黃河不歇心黃河今見抑何深有人試問中流過百念全消無處尋



即景

爭虫瓦雀叫喳喳  
晴日初烘蜂鬧衙  
一個怒蛙池上坐  
兩旁笑倒水紅花  
遙觀大景成小

高天大地好蕭蕭  
芥子舟浮杯水瀾  
遙指遠峯盤古木  
誰家松石小瓷盆  
近觀小景成大

弄個缸兒貯水頰  
水中置石翠斑爛  
好將大地山河景  
納入盆池拳石間  
作事

作事何須到盡頭  
十分弓力八分收  
相違不用黃泉誓  
看見棺材都淚流

村居

燈前女子紡棉多  
更喜山妻巧弄梭  
織得布成衣稱體  
新衣新絮暖和和

其二

一杯一杯又一杯  
三杯之後不能陪  
大家吃得稀泥醉  
我獨微醺步月歸

其三

野人搬住白雲窩  
雲去雲來遮莫多  
白是輕紅飛不到  
一家眷屬住煙蘿

其四

芒鞋不用到崎嶇  
小院梅花壓屋槽  
折得一枝香噴噴  
不分春上鼻頭尖



水月

滿輪皓魄照當空影落寒潭一樣同都道水中還有月誰知月不在其中  
不倒翁

扁強真成一老萊雖然古貌却如孩同人覆笑無終骨拔倒還能爬起來

婆娑豔粧

妻著鮮衣妾帶香簪頭珠翠响叮鏗蕭蕭白髮娘頭上祇有烏綾帕一方

學愚

將

第一爲人娶學愚其稱唯巧也時頗許多今學全忠事用盡機心做得無

孤兒

惟有孤兒保護難沒爺沒母怕饑寒做他伯叔姨娘者都學程嬰杵臼看

結怨

譬予最怕惹風波祇有冤家一個多狹路相逢湏放手得饒人處肯饒麼

老僧補衲

一領袈裟破孔多廟空風大冷如梭昏花雙眼補不得和尚原來沒老婆

避熱

六月炎人要剝皮想來皮去也難支如今赤膊當風立快活神仙脫亮時



冬日

大雪紛紛壓四隣白來如麪復如銀開門看罷關門臥誰到寒家問冷人

中山狼

東郭先生負一囊中山射鹿救蒼狼不逢三老義狼看反被蒼狼飽腸肚

餽

難得餽送是者夫為官卻又怕餽餽送了事為官者處處青山叫餽

兄弟

花發年年瑞紫荆一家難得弟和兄故因妻了田三地電上君王住不寧

鳥籠

好聽鳥兒樹上鳴雕籠籠絆苦難名試看羅網誰牢犯多少呼妻喚子聲

戴花

頭上這簪一朵花願在老子帽簷斜皇天自會安善咱終日街坊閒話牙

感舊

破碎玻璃散彩雲年年霜葉飛紛紛故人不見重攜手秋草關頭幾塚墳

春宵

春宵刻刻值千金便費千金無刻刻尋樂燭夜遊良有以寸金難買寸光陰



水鳥

草映沙塘碧景澄  
拳拳小石不曾平  
飛來一個水中鳥  
撥尾點頭還做聲

老漁

四月鱸魚九月鱖  
漁家那得敢嘗鮮  
攜來市上換柴米  
剩幾文多做酒錢

夜雨

暑夜涼颼雨解蒸  
一聲一滴枕邊鄰  
小姬睡醒推窗看  
笑指天河行片雲

大江

江水滔滔去莫回  
一帆風送客還來  
孤城四面山圍繞  
終古寒潮打不開

扮故事

你粧水鬼我優屍  
鬧得通場鬼面時  
來箇紅袍大鬍子  
手持寶劍跳鍾馗

夜雪

錯疑涼月照苔痕  
片片風將雪打門  
吹入梅花看不見  
可知原是此花魂

梅影

香魂一縷半迷離  
優臥何人夢醒時  
自是梅花先得月  
碧紗窗上忽橫枝

宦跡

官隨處好營生  
那有鄉居那住城  
休笑蝸牛身戴屋  
老夫也背着鍋行



戲猴

老猴上樹衆猴擲  
爬到高枝絕頂頭  
樹倒忽然都走散  
幾乎跌殺老獼猴

書燈

一根燈草一燈油  
一夜書窗燄影留  
假若耗油多用艸  
怎能熬到五更頭

賣劍

把劍何時候已更  
一聲彈缺幾馮生  
須知售劍難售俠  
赤手空拳打不平

感

舟過平石在楚粵之間

彎竹逕微微雨曲曲溪橋  
小小船一個書生愁滿載  
無多黃葉夕陽天

黃鶴樓乞呂祖

點石成金金一鈎  
金還爲石半千秋  
教人須教愁眉急  
我與先生要相親

解結

兩家打結結成堆  
沒個人能解得來  
祇有麻姑長甲爪  
連環也要解他開

幻景

滿地月明都是水  
一天雲起盡成山  
可知山水皆虛幻  
月落雲歸影眼間

螢火

螢原非火火稱螢  
螢火光飛似火星  
又肯照人又不懶  
書窗好助一囊青



對月

一月團圓今古情  
今人不見古時明  
抬頭試問今宵月  
曾在蓬天上古行

喚渡

打疊衣包趕路行  
沿溪不見小舟橫  
茫茫野渡頻相喚  
我一聲來水一聲

秋夜問雁

平沙水落雁來遲  
衡嶽峰回人未知  
南北不愁行李乏  
蜚秋都是稻粱時

送別諸城臧酌田

送別江干眇秀才  
楚山千里望君回  
武昌魚飽巴河酒  
明夜扁舟無此杯

夜作

譙樓更鼓幾回過  
少過多那個查好夢  
不知何夜得起來  
床上琵琶

傀儡

傀儡還須用線提  
線提東去不能西  
燈前線斷無人弄  
燈得安身一夜棲

大繡鞋

深閨繡得日初長  
弓樣鞋兒半尺量  
但願相携江口立  
順風送我到騰王

主人設蔬

主人待客菜萋萋  
客解征驂命作鵝  
歸去不愁無腳力  
如飛借跨草堂雞



詞餘詩餘

送離雞

不是鵝鴉與畫眉如何執縛送交知細聽唧唧還呼母正恐繡離蛋壳兒

長城

築城萬里竟築人築死人身堅城身築得起城吳得倒長城雖築不城秦

僧至

看看門外有誰來一見山僧笑也哈那陳風兒吹得到却搥柳絮趕羣孩

看蟻

石礎元駒戰鬥雄我揮執扇半飛空蟻臣載筆傳災異是日槐安國大風

對鞠

你也瘦來我也瘦秋風籬落兩相看算來你瘦強於我我不禁風你耐寒

桃花

三月春光桃始華年年華事興徧賒今朝忽報花兒放更比去年紅好些

大樹

大樹如樓不計年將軍氣象萬千千但教能覆一隅地何必遑參尺五天

有命

生死關頭大是難要知有命聽天安子房椎與漸離筑都共夫人匕首寒



藤蘿

樹大招風根倒吹居高必險類如斯多情只有藤蘿好抱住枝柯不肯移

棉花

棉桃未結作花看似菊如葵色正丹不是口間紅紫綠放開天下不知寒

寄興

鴛鴦鈎上挂袈裟行腳天涯卻有家破個戒兒須飲酒如何苦吃趙州茶

舟楫

舟行原與水相尋水入舟中舟便沈不是水將舟覆却自拿舟楫不關心

墨魚

海上魚傳有墨珍能將吐墨蔽其身漁人迺伺波間影却見烏雲下綸

燈蛾

一個蛾兒夜撲燈扇將揮去又迎笑他惹火燒身死自己却難逃利名

釣翁

兩兩漁翁同釣魚一翁鈎得一翁虛此翁問彼何能得翁道得之於自如

劉伯倫

伯倫達士鍾隨身死後埋身却認真還是伯倫非達士青山何必定留人



浮鷗

江山最險是波濤沙歷舟師怯放篙祇見白鷗安穩坐偏偏不怕浪頭高

金山

一座金山江面看四圍波浪擁孤巒滿頭珠翠簪螺髻照入青銅戴鏡寒

補網

若個漁翁不打魚船頭補網致罾如教兒都會踏波法獨理傳家祖父書

松針

風送寒濤幹屈伸綠陰無數下苔茵老松不是輕搖落飛把金針度與人

銅雀瓦

不單漢時銅瓦裏千年漳水自流來空餘遺片鴛鴦瓦一世之雄安在哉

裘隱

兩個披裘大隱深也辭鄉相也捐金當時若把舊衣換遠水遙山何處尋

新插柳

臥室旁邊柳一枝春來纔學弄柔姿自從舊歲新栽得翻上離情尙不知

寫意

白髮婆婆有淚痕西池老婦川根源流沙遺腹無人管殤了彭門一個孫



落葉

開天闢地石風霜萬古蕭蕭  
隳隳墮今日亭前珍重掃曾爲古帝作衣裳

欠債

烏鵲橋邊牛女灣大元徐甲函走關漫言債欠尋常事便是神仙沒法還

贖衣

贖衣似與贖身謀一日珠還喜自由把手摩挲又熨貼熨開衣摺不開愁

遇雨

偶來湖畔雨花飛漸漸成珠打濕衣趕到斷橋行不得折將荷蓋戴頭歸

蓋屋

砌石勾梁締造堅綢繆起屋補天穿當時原爲後來計却害兒孫拆碎甌

板倒井

渴走行人奔井隨對泉空手沒提甕自從板倒欄干後綆短何妨汲更深

飛來峯

靈鷲飛來不計年來時明月滿空前而今樂者不思蜀忘却飛歸西竺天

蝌蚪

枉費焚書火是秦分明蝌蚪篆猶真試看十尺澄潭底尙有婢媪洞府春



分水龍王廟

天下水皆趨下流奔騰直到東盡頭奇哉濟泗投黃勢一半平分據上游

羅浮山

羅山亘古在南天却有浮山駕海前何以浮來不浮去鐵橋真似鐵環連  
和神國

隣道和神國裏人男男女女百年身婚姻洽比瓠生穀泉水芬芳終歲春

冤婦

少婦含冤六月霜此霜一降晚禾傷天公未是憐冤婦何不轟雷打惡張

花蜂

一個花蜂逕縫開偶然鑽過紙窻來眼前迷失當時路十二重樓撞不回

楚牧

楚老牧羊九十九願祈滿百不能符如何富牧同貧牧翻向隣家攘一掄

鄭藝

學蓋三年復桔槔藝成旱澇不相遭桔槔終棄還爲蓋一任驕陽天景高

婢女

生平不識有爹娘長大難尋恩愛良掃地燒鍋端馬桶懷中常抱小兒郎



筋子

雙雙筋子舉如蓬假手貪饕不暫停都被旁人嗽飽去自家贖得足羶腥

觀荷

亭亭花朵露團團搖著野風水面寒最是五更口動未黎明天色靜中看

圍碁

石子圍碁伴不孤兩人鍊就野禪孤枰間劫盡全軍墨贖作方塘白鷺

鞋盃

繡履權為季雅盃此中滋味君知否掌擎放得到唇邊吃了老娘洗脚水

相思

不會相思病却知心如飛絮氣遊絲待他證候來時節燈尙昏昏月落遲

品茶

漫品名茶碧數莖春泉沸眼手初整靜看一葉浮杯面野渡無人舟自橫

黃楊

一年一寸樹成身一尺還須十度春老有百年成丈樹更無種樹百年人

寫景

畫樓垂柳雨初寒隔水雲凝辯認難風定雨聲聽不出點頭回轉碧闌干



撒土

前人撒土後人迷不學前入一樣也我被人迷撒我土人居我後不沾泥

隣鷄

一聲兩聲雞唱曉塵世勞勞太早忙異人多困處無市煙如海青山小

蠅污

引得蠅污與染濡能將黑白舞衣備饒君洗淨無痕跡爭似當初不近污

吃齋

無錢買肉列蔬盤數去杯中酒不寬祇說吃齋求懺悔暫時且把世尊瞞

塞上翁

馬生塞上馬羣空得失休言塞上翁失馬馬還添一駿駿騎騎墜小兒童

完璧

爲換秦城璧在身趙人竟敢入強秦秦城不與趙完璧完璧方知趙有人

燈花

花報明朝人到得燈敲夜半夢回遲相逢一笑自開落何待春風口角吹

蝴蝶

粉板芳衣逐綠叢每從落魄引春風戀花不比戀其去飛過牆東又復東



黃梁枕

功名富貴夢中身便道神仙也不真推過枕頭都夢夢先生早是未醒人

駿馬

八尺爲龍七尺驪聞來便覺生脾千金千里都不說祇要有人敢試騎

學獸

過去事由他過去未來時且聽時來找連現在也不管出賣杭州老阿獸

蟻蝨

人身蟻蝨越多了何不初生早除掃一啖根株衆蟲學爲他燒破紅棉襖

青蚨

飛蚨飛去復飛還母在家中子便歸多少遠遊人負米倚闔白髮淚沾衣

雪

吹夜北風雪不禁庭前積厚尺多深早晨莫教兒童掃留與山人相對吟

夜雨

暑退涼生夜雨清一點一滴一聲聲枕邊低按零鈴曲隔個窻兒和到明

秦淮雜句

蕩蕩黃火打石頭西風到了白門秋更添六代傷心事哭得秦淮嗚咽流



其二

庾公樓外月如鉤釣起窮途多少愁多少阿房多少月青衫白髮苦淹留

七夕

一舉打破支機石兩手拆埒烏鵲橋萬古曠夫同怨女雙星不必渡今宵

聞猿

不是隣猿不耐煩聲聲難聽是哀猿啼聲未必三聲住聽到二聲已斷魂

柳陰

古道兩邊柳樹行過客坐來好乘涼大家商量蓋間屋不成不成築道旁

種芭蕉

移向園中碧數窠待他開卷任縱橫後來試聽窗前雨多得滿滿一兩聲

蛛網

來往蛛絲祇是牽布陳屋角網如懸恢恢也要抬頭看漏得深淵不漏天

寒林寺

未到寒林已是寒時<sup>奇</sup>嘔石徑樹攢攢半間破廟無人至零落空堦久厝棺

伶人

偶爾粧成嫵娜姿天公底事作男兒男兒學做女兒樣越覺憐人疑似時



彈棉

碾碎紛紛似石灰半如柳絮半如梅柳絮不風梅不雪琴聲彈在白雲堆

月輪

海底青銅磨得出高懸碧漢三風尖誰將一片山河影妄指婆羅樹底蟾

勵足

一雙脚走苦難支爲趨科場怕到遲許你穿鞋還坐轎夜深陪伴滿鞋兒

莫頴山 在懷戎

莫盡無殘釜撥開漫將邱嫂太嫌猜今朝莫頴山邊道還憶誰分羹一杯

望夫石在武昌

望夫石是望夫身化石何能轉化人若使化人能轉得問他化石望夫因

鸚鵡洲 在江夏

曠代才人賦鸚鵡不死曹瞞死黃祖洲邊荒塚草離離江聲還打漁陽鼓

春景卽事

杭州三月醉春泥城外西湖湖水西多少黃鸝鳴翠柳只知歌唱不知啼

柳花

楊柳花繁春事忙纔過陌路又池塘千點落<sub>葉</sub>點飄零去送著東風開一場



咸寧鄉行

春晴無事坐官衙  
出看桑麻不看花  
野店去來都熟悉  
便來最喜吃壺茶

村館

下鄉儀從莫驚猜  
村館蒙童問字來  
都道大官書畫好  
扇頭請賜竹蘭堆

黃柏山

古廟無僧自閉關  
鐵爐香斷土神閑  
樹根盤屈尋殘碣  
鼙鼓寨前黃柏山

田家

農家樂事在豐收  
麥穗如山稻作樓  
瓦甕酒香雞又嫩  
逢人便向草堂留

窗月

窗近月遠月入窗  
便道月小如燈缸  
推過一窗另看月  
千窗萬窓月無雙

辭龜

一碟沙糖茶一盅  
灶君紙馬送遙空  
靈霄殿上如相問  
好事多言莫說窮

倒划船

船倒划時復須牽  
兩端首尾掉將前  
看他逆水爭流上  
好似回頭到岸邊

眼鏡

眼前物障視難明  
物障安能明更生  
有物照同無有物  
眼光收入水中晶



染甲指

甲指腥腥奪化工十分春色染殷紅要知還有真顏色除却脣脂臂守宮

風扇

風扇扇風扇在空扇風風出扇之中有風不扇無風扇不扇無風扇有風

照鏡

一鏡照人鏡一人一人幾鏡幾人身若教鏡鏡皆形似亂却本人面目真

妓家

琵琶一面妓家擊爨客家傾與妓家有日妓家拋撇去却教爨客背琵琶

士品

爲士當如處女貞做官做媳養兒嬰他年得遂林泉志還學家婆教後生

瀑布

上山直上碧山頭直掛飛泉那有收何事山中留不住出山都付與東流

和肉

室內從無交謫譏老年好似少年時笑拈兒女奩中黛要畫夫人白了眉

課兒

我有孩兒十歲餘先生課本問之無柳陰亭上閒消遣流水聲聲背熟書



京華

舉子紛紛上帝都  
人去趁者之乎  
這回打落孫山外  
提筆天街賣畫圖

杭州

少小西湖湖上廬  
西湖別後廿年餘  
模糊但記多烟水  
五柳居中溜醋魚

蘇州

客途恰值是窮途  
辜負繁華第一都  
腰裡銅錢沒半個  
空垂明月照姑蘇

揚州

綠楊城郭五台墩  
月二分光酒半痕  
二十四橋橋上望  
那條橋上是銷魂

廣州

白鵝潭上海潮生夕  
汐朝潮估客行  
童歲不知煙瘴惡  
蠻姑蛋戶五羊城

汀州

曾到汀州霹靂厓  
玲瓏天巧會安排  
雷公斧鑿不中用  
除却女皇鍊石媧

岳州

岳陽城上岳陽樓  
草草茫茫湖水秋  
一陣好風相送去  
片帆如葉復如鷗

汴州

軟塵匝地野堤長  
老子推車到汴梁  
依舊黃河當日水  
不教圍繞漢宮牆



濟南

城外有山華不住城中有水大明湖  
怪得濟南城住好山如花朶水如珠

夔州

巫峽高高巴字流孤城一片古夔州  
與君今日忍心別千里猿啼下水舟

鷓鴣

青草湖邊湖水生相呼相喚鷓鴣聲  
如何他却打官話曾說哥哥不可行

挑水

一僧一担水淙淙添個頭陀便要扛  
到得三人成鼎足如何乾了漢陽江

笑淚

不識如何叫做愁終朝大笑不能收  
旁人都笑先生笑笑得先牛眼淚流

惜花

今日殘花昨日開花開今日莫徘徊  
不知明日花開否一日花間遞幾回

春風

這樣春風我不誇可曾真個愛繁華  
春風若是多情物只管開花不落花

醉漢

我醉眠松松不抬問松同我坐莓苔  
只疑松樹醉顛倒手步扶松立起來



錦上添花

錦上無花也不嫌花間有錦更相兼要知花錦重重處有個人兒儘著添

白貓

滿庭飛絮雪毳毳一把難燃冷電灰抱個白貓身上黑誰家炭送雪中來

參禪

參來狗舐熟油鑊欲舐先愁邊得慌搬却道錯尋別路鼻尖偏覺味還長

豆腐

水中浸豆豆腐漿漿此清時點作方精液得來充至味還他渣滓任秤量

漫

沒字碑

人道秦時尚有碑有碑沒字憶秦時秦因有字都燒盡不使燒秦更似伊

駝背

駝人長就一張弓不是逢人便鞠躬更有老天生物異叩頭蟲與倒栽葱

山行

崎嶇小徑石橋橫問訪幽居路不平荆棘滿山拉扯住緩低身綴作解衣行

梅子

梅子青青酸欲涎無手老子莫流連將軍慣解三軍渴遙指空林馬不前



杞憂

誰把翁羽覆九州又無釘鑿又無鉤一朝大塊掉將下打匾灣山作畫收

採草

一夜濃鬆一徑深撐開小傘單苔陰偶然來個毛蟲坐閒抖衣避雨淋

編魚

一尾江干銀樣鮮網絲扶起出清池烹來食性能諳否強項人吞縮項鰻

白頭翁

愛踏寒梅晚景同霜禽羽翰不猶童白頭那是春秋老才信人間有少翁

泥夫妻

夫塑泥人妻也泥兩人打碎水和齊再將泥把夫妻塑妻伴夫身夫伴妻

焚書坑

爲怕儒書書見嘖讀書個個火焚身燒書爲怕讀書者不讀書人更怕人

燈坐

空館寒燈夜影幢每因孤寂嘆無雙縱然祇有先生坐一在燈前在窗

採樵

一担柴挑幾萬枝斧斤不斷入山時人家只把燒煙起那管青山瘦不支



貧妓

貧妓門前雀可羅不因多病奈愁何幾回要脫紅裙當又恐明朝有客過  
食苜蓿

養蠶

到得春深看牡丹牡丹中着不中餐何如苜蓿闌干長又好充腸又好看  
種得春蠶要取絲喂他桑葉飽眠遲轉身化對蛾兒去不吃東西替養兒

堪輿

踏看青山山上坡問山山笑你奔波幾多山下荒坟塚他的兒孫也看過

下雪

洛陽城裡把凍呵天公特地下棉多是人是物都包裹黑狗搖頭不喚和

山雨

山南山北雨如油餓虎伸腰出洞遊單豹不來山崖滑樹頭啣去富人頭

對月

前面山低月出蚤後面山高月上遲如何不識高低者空怨月明無定時

淘金

公子豪華氣薄雲黃金一擲便成斤可知沙裏淘金者終日營營值幾文



花鼓

瑟瑟打罷又湯湯幾個婆娘說鳳陽最是淒涼花鼓曲十年到有九年荒

新月

碧天如水月如鉤挂在空中不肯收我好似魚貪著餌被他鉤起一腔愁

魯家巷男女情合投水報驗

情到情真各自如多情盡處兩歸墟相攜同泣泛清波去好化雙雙比目魚

看詩

你也看詩笑老曾我也看詩笑老曾曾老更作支頤解不學苦吟杜少陵

詩嘲

擱起官常事也囉偷閒七字日吟嘔枯腸搜索還攤飯弄得詩多屁更多

詩綴

一卷詩成號啞然許多好笑滿勝簫竹枝也好楊枝好悉聽他人浪去傳

跋

啞然詩句七如道士撰七如姓曾氏名衍東山左嘉祥人清乾隆壬子舉于鄉嘉慶癸酉間為楚北令以治逆倫案事忤大吏旨謫戍來賦（詳見古榕雜綴中紗帽行篇）居郡城依綠園旁古榕樹下性落



拓不羈工詩好古硯書畫篆刻尤精筆墨狂放生平慕鄭板橋之爲  
人僧曰難得糊塗赦後以貧老不能歸卒於溫（見壬午本永嘉縣  
志三十七引彭左海濤曾七如小傳）所著有啞然詩句及古榕雜  
綴此書予近從永嘉陳劍廣處得見之乃七如所手書刊本也七如  
所著古榕雜綴嘗承平陽劉次老錄副見晚今又見此本誠快事也  
亟假付手民以廣流傳焉共和第一丙寅天中節瑞安林衍桐記於  
甌海公報編輯室



